



গণপ্রজাতন্ত্রী বাংলাদেশ সরকার
মুক্তিযুদ্ধ বিষয়ক মন্ত্রণালয়

বীর মুক্তিযোদ্ধাদের সম্মানী ভাতা বিতরণ
নীতিমালা, ২০১৩

নভেম্বর-২০১৩

সূচিপত্র

	পৃষ্ঠা নং
০১. শিরোনাম	১
০২. বাস্তবায়ন কাঠামো	১
০৩. বাস্তবায়নকারী কর্তৃপক্ষ	১
০৪. মুক্তিযোদ্ধা চিহ্নিতকরণের মানদণ্ড	১
০৫. মুক্তিযোদ্ধাদের মৃত্যুর পর যোগ্য উত্তরাধিকারীগণ	১
০৬. মুক্তিযোদ্ধা ভাতা প্রাপ্তির অযোগ্যতা	১
০৭. প্রার্থী বাছাই পদ্ধতি	২
০৮. মুক্তিযোদ্ধা সম্মানী ভাতা বিতরণ সংক্রান্ত উপজেলা কমিটি	২
০৯. উপজেলা কমিটির কার্যপরিধি	২
১০. সিটি কর্পোরেশন এলাকার থানাসমূহের কমিটি	৩
১১. সিটি কর্পোরেশন কমিটির কার্যপরিধি	৩
১২. মুক্তিযোদ্ধাদের সম্মানী ভাতা প্রদান সংক্রান্ত জেলা কমিটি	৩
১৩. পার্বত্য জেলা কমিটি	৪
১৪. জেলা/পার্বত্য জেলা কমিটির কার্যপরিধি	৪
১৫. গণ্যমান্য ব্যক্তি	৪
১৬. ভাতা পরিশোধ পদ্ধতি	৪
১৭. নীতিমালা সংশোধন	৬
১৮. আর্থিক বিবরণ প্রেরণ	৬
১৯. অব্যয়িত অর্থের বিবরণ	৬
২০. নীতিমালায় অন্তর্ভুক্ত নাই এমন বিষয়	৬
২১. নীতিমালার কার্যকারিতা	৬
<u>সংযোজনী সমূহ :</u>	
২২. মুক্তিযোদ্ধাদের সম্মানী ভাতা মঞ্জুরীর আবেদনপত্র (ফরম-১)	৭
২৩. ভাতা পরিশোধ বহি (ফরম-২)	৯
২৪. ভাতা পরিশোধের আদেশ (ফরম-৩)	১৩
২৫. প্রত্যয়নপত্র (ফরম-৪)	১৭

০১. শিরোনাম :

এই নীতিমালা “বীর মুক্তিযোদ্ধাদের সম্মানী ভাতা বিতরণ নীতিমালা, ২০১৩” নামে অভিহিত হবে।

০২. বাস্তবায়ন কাঠামো :

বাংলাদেশের সকল উপজেলা, পৌরসভা এবং সিটি কর্পোরেশনের অন্তর্ভুক্ত থানাসমূহে এই নীতিমালার আওতাভুক্ত সম্মানী ভাতা পাওয়ার যোগ্য সকল মুক্তিযোদ্ধাকে প্রতি মাসে ৩,০০০/- (তিন হাজার) টাকা হারে সম্মানী ভাতা প্রদান করা হবে। সম্মানী ভাতার হার সময়ে সময়ে প্রজ্ঞাপন জারির মাধ্যমে সরকার পরিবর্তন করতে পারবে।

০৩. বাস্তবায়নকারী কর্তৃপক্ষ :

মুক্তিযুদ্ধ বিষয়ক মন্ত্রণালয় বীর মুক্তিযোদ্ধাদের সম্মানী ভাতা বিতরণ কর্মসূচি বাস্তবায়ন করবে। মাঠ পর্যায়ে মুক্তিযুদ্ধ বিষয়ক মন্ত্রণালয়ের সেক্টর ও জনবল না থাকায় জেলা পর্যায়ে ও সিটি কর্পোরেশন এলাকায় জেলা প্রশাসক এবং উপজেলা ও প্রযোজ্য ক্ষেত্রে পৌরসভা এলাকায় উপজেলা নির্বাহী অফিসার বীর মুক্তিযোদ্ধাদের সম্মানী ভাতা বিতরণ কর্মসূচি বাস্তবায়ন করবে।

০৪. মুক্তিযোদ্ধা চিহ্নিতকরণের মানদণ্ড :

মুক্তিযোদ্ধা নীতিমালার আওতায় ‘মুক্তিযোদ্ধা’ বলতে নিম্নবর্ণিত ব্যক্তিগণকে বুঝাবে :-

১. মুক্তিযুদ্ধ বিষয়ক মন্ত্রণালয় হতে যাঁদের নামে মুক্তিযোদ্ধা সনদপত্র/ মুক্তিযোদ্ধা সাময়িক সনদপত্র ইস্যু করা হয়েছে;
২. মাননীয় প্রধানমন্ত্রী কর্তৃক স্বাক্ষরিত বাংলাদেশ মুক্তিযোদ্ধা সংসদ, কেন্দ্রীয় কমান্ড কাউন্সিল হতে সনদধারী ব্যক্তিগণ;
৩. যাঁদের নাম মুক্তিবার্তা চূড়ান্ত তালিকায় (মুক্তিবার্তা লালবই) অন্তর্ভুক্ত আছে;
৪. যাঁদের নামে মুক্তিযুদ্ধ বিষয়ক মন্ত্রণালয় হতে গেজেট প্রকাশ করা হয়েছে; এবং
৫. মুক্তিযোদ্ধা হিসেবে মুক্তিযুদ্ধ বিষয়ক মন্ত্রণালয় হতে চূড়ান্তভাবে প্রকাশিত ডাটাবেইজে যাঁদের নাম অন্তর্ভুক্ত আছে।

০৫. মুক্তিযোদ্ধাদের মৃত্যুর পর সম্মানী ভাতা পাবার যোগ্য অধাধিকার প্রাপ্ত উত্তরাধিকারীগণ :

১. ভাতাভোগী মুক্তিযোদ্ধা মৃত্যুবরণ করলে তার স্ত্রী/স্বামী;
২. স্ত্রী/স্বামীর অবর্তমানে পিতা/মাতা;
৩. স্ত্রী/স্বামী ও পিতা মাতার অবর্তমানে পুত্র কন্যাগণ।

০৬. মুক্তিযোদ্ধা ভাতা প্রাপ্তির অযোগ্যতা :

যুদ্ধাহত মুক্তিযোদ্ধা, শহীদ মুক্তিযোদ্ধা পরিবার, মৃত যুদ্ধাহত মুক্তিযোদ্ধা পরিবার যাঁরা বাংলাদেশ মুক্তিযোদ্ধা কল্যাণ ট্রাস্ট হতে রাষ্ট্রীয় সম্মানী ভাতা পেয়ে থাকেন তাঁরা এ নীতিমালার আওতায় সম্মানী ভাতা প্রাপ্য হবেন না।

০৭. প্রার্থী বাছাই পদ্ধতি :

- ক) পূর্ব থেকে যাঁরা সম্মানী ভাতা গ্রহণ করেছেন তাঁদের সম্মানী ভাতা প্রদান অব্যাহত থাকবে। তবে, মুক্তিযুদ্ধ বিষয়ক মন্ত্রণালয় কর্তৃক কেউ অমুক্তিযোদ্ধা প্রমানিত হলে তার নাম তালিকা থেকে বাদ যাবে।
- খ) জেলা, উপজেলা, পৌরসভা এবং সিটি কর্পোরেশনের এলাকাভুক্ত থানাসমূহে নতুনভাবে ভাতা বিতরণের জন্য অতিরিক্ত প্রার্থী বাছাইকল্পে ব্যাপক প্রচারের মাধ্যমে দরখাস্ত আহ্বান করা হবে। মুক্তিযুদ্ধ বিষয়ক মন্ত্রণালয় বাংলাদেশ মুক্তিযোদ্ধা সংসদ, কেন্দ্রীয় কমান্ড কাউন্সিল, জেলা প্রশাসক, পৌরসভা কর্তৃপক্ষ, সিটি কর্পোরেশন কর্তৃপক্ষ এবং উপজেলা নির্বাহী অফিসারের মাধ্যমে এ প্রচারণার ব্যবস্থা গ্রহণ করবে।
- গ) মুক্তিযোদ্ধা সম্মানী ভাতা গ্রহণে আগ্রহী প্রার্থীগণ সংশ্লিষ্ট জেলার জেলা প্রশাসক, সিটি কর্পোরেশনের ক্ষেত্রে সংশ্লিষ্ট জেলা প্রশাসক, পৌরসভা ও উপজেলার ক্ষেত্রে সংশ্লিষ্ট উপজেলা নির্বাহী অফিসারগণের নিকট নিখরিত ফরমে আবেদনপত্র দাখিল করবেন।
- ঘ) উপজেলা ও সিটি কর্পোরেশন কমিটি আবেদনকারীগণের দাখিলকৃত মুক্তিযোদ্ধা সনদ/ মুক্তিবর্তা/ গেজেট/ডাটাবেইজ পরীক্ষাপূর্বক প্রাথমিক তালিকা প্রণয়ন করবে এবং চূড়ান্ত অনুমোদনের জন্য জেলা/পার্বত্য জেলা কমিটির নিকট প্রেরণ করবে।
- ঙ) জেলা কমিটি, উপজেলা ও সিটি কর্পোরেশন কমিটি থেকে প্রাপ্ত তালিকা পরীক্ষা নিরীক্ষাপূর্বক চূড়ান্ত অনুমোদন প্রদান করবে এবং সংশ্লিষ্ট উপজেলা ও সিটি কর্পোরেশনে অনুমোদিত তালিকা প্রেরণ করবে।

০৮. মুক্তিযোদ্ধা সম্মানী ভাতা বিতরণ সংক্রান্ত উপজেলা কমিটি :

- | | |
|--|--------------|
| ১. উপজেলা নির্বাহী অফিসার | - সভাপতি |
| ২. পৌরসভা চেয়ারম্যান/প্রতিনিধি (প্রযোজ্য ক্ষেত্রে) | - সদস্য |
| ৩. উপজেলা মুক্তিযোদ্ধা কমান্ড এর ০২ জন প্রতিনিধি | - সদস্য |
| ৪. উপজেলা হিসাবরক্ষণ কর্মকর্তা | - সদস্য |
| ৫. উপজেলাধীন সংশ্লিষ্ট ব্যাংক ম্যানেজার | - সদস্য |
| ৬. সংশ্লিষ্ট ইউনিয়ন পরিষদের চেয়ারম্যান | - সদস্য |
| ৭. গণ্যমান্য ব্যক্তি ০২ (দুই) জন (১ জন পুরুষ + ১ জন মহিলা) | - সদস্য |
| ৮. উপজেলা সমাজসেবা কর্মকর্তা | - সদস্য সচিব |

০৯. উপজেলা কমিটির কার্যপরিধি :

১. উপজেলা এবং প্রযোজ্য ক্ষেত্রে পৌরসভা এলাকাভুক্ত থানাসমূহে নতুন ভাবে ভাতা বিতরণের জন্য অতিরিক্ত প্রার্থী বাছাইকল্পে প্রচারের মাধ্যমে দরখাস্ত আহ্বান করবে।
২. আগ্রহী প্রার্থীগণের দরখাস্তসমূহ যাচাই বাছাইপূর্বক এ নীতিমালার আওতায় ভাতা পাওয়ার উপযুক্ত মুক্তিযোদ্ধাগণের প্রাথমিক তালিকা প্রণয়ন করে জেলা/পার্বত্য জেলা কমিটির অনুমোদনের জন্য প্রেরণ করবে।
৩. এ নীতিমালার আওতায় সম্মানী ভাতা প্রাপ্ত মুক্তিযোদ্ধার মৃত্যু হলে তার প্রাধিকার প্রাপ্ত উত্তরাধিকারীর আবেদন যাচাই বাছাইপূর্বক ভাতা প্রদানের সুপারিশসহ সিদ্ধান্ত জেলা কমিটির অনুমোদনের জন্য প্রেরণ করবে।

৪. প্রার্থী বাছাই সংক্রান্ত যাবতীয় অভিযোগ নিষ্পত্তি করবে। আপীলের প্রশ্ন দেখা দিলে তা নিষ্পত্তির জন্য জেলা কমিটিতে প্রেরণ করবে।

১০. সিটি কর্পোরেশন এলাকার ধানাসমূহের মুক্তিযোদ্ধা সম্মানী ভাতা বিতরণ সংক্রান্ত সিটি কর্পোরেশন কমিটি :

(দেশের ৭টি বিভাগীয় সিটি কর্পোরেশনের জন্য প্রযোজ্য হবে)

১. জেলা প্রশাসক/অতিরিক্ত জেলা প্রশাসক - সভাপতি
২. সিটি কর্পোরেশনের ০১ জন প্রতিনিধি - সদস্য
৩. সিটি কর্পোরেশন এলাকার প্রতিটি থানা কমান্ড এর ০১ জন করে প্রতিনিধি - সদস্য
৪. বিভাগীয় হিসাব নিয়ন্ত্রক/জেলা হিসাবরক্ষণ কর্মকর্তা - সদস্য
৫. সংশ্লিষ্ট ব্যাংক ম্যানেজার - সদস্য
৬. সিটি কর্পোরেশন সংশ্লিষ্ট ওয়ার্ড কাউন্সিলর - সদস্য
৭. উপ-পরিচালক, জেলা সমাজসেবা কার্যালয় - সদস্য সচিব

১১. সিটি কর্পোরেশন কমিটির কার্যপরিধি :

১. সিটি কর্পোরেশন এলাকার ধানাসমূহে নতুন ভাবে ভাতা বিতরণের জন্য অতিরিক্ত প্রার্থী বাছাইকল্পে ব্যাপক প্রচারের মাধ্যমে দরখাস্ত আহ্বান করবে।
২. আগ্রহী প্রার্থীগণের দরখাস্তসমূহ যাচাই বাছাইপূর্বক এ নীতিমালার আওতায় ভাতা পাওয়ার উপযুক্ত মুক্তিযোদ্ধাগণের প্রাথমিক তালিকা প্রণয়ন করবে এবং জেলা কমিটির অনুমোদনের জন্য প্রেরণ করবে।
৩. এ নীতিমালার আওতায় সম্মানী ভাতা প্রাপ্ত কোন মুক্তিযোদ্ধার মৃত্যু হলে তার প্রাধিকার প্রাপ্ত উত্তরাধিকারীর আবেদন যাচাই বাছাইপূর্বক ভাতা প্রদানের সুপারিশসহ সিদ্ধান্ত জেলা কমিটির অনুমোদনের জন্য প্রেরণ করবে।
৪. প্রার্থী বাছাই সংক্রান্ত যাবতীয় অভিযোগ নিষ্পত্তি করবে। আপীলের প্রশ্ন দেখা দিলে তা নিষ্পত্তির জন্য জেলা কমিটিতে প্রেরণ করবে।

১২. মুক্তিযোদ্ধাদের সম্মানী ভাতা প্রদান সংক্রান্ত জেলা কমিটি :

১. জেলা প্রশাসক - সভাপতি
২. পুলিশ সুপার - সদস্য
৩. সংশ্লিষ্ট পৌরসভার চেয়ারম্যান/প্রতিনিধি - সদস্য
৪. জেলা হিসাবরক্ষণ কর্মকর্তা - সদস্য
৫. মুক্তিযোদ্ধা সংসদ জেলা কমান্ড এর ২ জন প্রতিনিধি - সদস্য
৬. গণ্যমান্য ব্যক্তি ২ জন (১ জন পুরুষ + ১ জন মহিলা) - সদস্য
৭. জেলা শহরে অবস্থিত সংশ্লিষ্ট ব্যাংকের কর্মকর্তা - সদস্য
৮. উপ-পরিচালক, জেলা সমাজসেবা কার্যালয় - সদস্য সচিব

১৩. পার্বত্য জেলা কমিটি :

(দেশের ৩ টি পার্বত্য জেলার জন্য প্রযোজ্য হবে)

- | | |
|---|--------------|
| ১. জেলা প্রশাসক | - সভাপতি |
| ২. পুলিশ সুপার | - সদস্য |
| ৩. পার্বত্য জেলা পরিষদের চেয়ারম্যান-এর প্রতিনিধি | - সদস্য |
| ৪. সংশ্লিষ্ট পৌরসভার চেয়ারম্যান/প্রতিনিধি | - সদস্য |
| ৫. জেলা হিসাবরক্ষণ কর্মকর্তা | - সদস্য |
| ৬. জেলা মুক্তিযোদ্ধা সংসদ-এর ২ জন প্রতিনিধি | - সদস্য |
| ৭. গণ্যমান্য ব্যক্তি ২ জন (১ জন পুরুষ + ১ জন মহিলা) | - সদস্য |
| ৮. জেলা শহরে অবস্থিত সংশ্লিষ্ট ব্যাংকের কর্মকর্তা | - সদস্য |
| ৯. উপ-পরিচালক, জেলা সমাজসেবা কার্যালয় | - সদস্য সচিব |

১৪. জেলা/পার্বত্য জেলা কমিটির কার্যপরিধি :

- উপজেলা ও সিটি কর্পোরেশন কমিটির নিকট থেকে প্রাপ্ত প্রাথমিক তালিকাসমূহ যাচাই বাছাইপূর্বক চূড়ান্ত অনুমোদন প্রদান করবে।
- সম্মানী ভাতা প্রাপ্ত কোন মুক্তিযোদ্ধার মৃত্যু হলে তার প্রাধিকারপ্রাপ্ত উত্তরাধিকারীগণের উপজেলা ও সিটি কর্পোরেশন কমিটি থেকে প্রাপ্ত আবেদন তালিকা যাচাই বাছাই করে চূড়ান্ত অনুমোদন প্রদান করবে।
- উপজেলা ও সিটি কর্পোরেশন থেকে প্রাপ্ত আপীল আবেদন নিষ্পত্তি করবে।
- উপজেলা ও সিটি কর্পোরেশনের তালিকার বিরুদ্ধে অথবা ভাতা প্রদান সংক্রান্ত অন্য কোন অভিযোগ যাচাই বাছাই করে চূড়ান্ত অনুমোদন প্রদান করবে।
- ভাতা প্রদান কার্যক্রম তদারকি করবে।
- সরকার কর্তৃক সময়ে সময়ে প্রদত্ত আদেশাবলী পালন করবে।
- কোন উপজেলা বা সিটি কর্পোরেশন এলাকার থানায় নির্ধারিত সংখ্যক যোগ্য প্রার্থী পাওয়া না গেলে সংশ্লিষ্ট জেলার অন্য কোন উপজেলা বা সিটি কর্পোরেশন এলাকার কোন থানার যোগ্য প্রার্থী দ্বারা নির্ধারিত সংখ্যা পূরণ করা যাবে। এ বিষয়ে জেলা কমিটি চূড়ান্ত সিদ্ধান্ত নিতে পারবে।

১৫. গণ্যমান্য ব্যক্তি :

গণ্যমান্য ব্যক্তি বলতে নিম্নবর্ণিত ব্যক্তিগণকে বুঝাবে :-

- নেতৃস্থানীয় সমাজসেবক/সংগঠক
- শিক্ষা প্রতিষ্ঠানের প্রধান
- ধর্মীয় প্রতিষ্ঠানের প্রধান
- অবসরপ্রাপ্ত বেসামরিক/সামরিক কর্মকর্তা/কর্মচারী

১৬. ভাতা পরিশোধের পদ্ধতি :

- উপজেলার ক্ষেত্রে উপজেলা সমাজসেবা কার্যালয় ভাতা প্রদান সংক্রান্ত কমিটি কর্তৃক চূড়ান্তভাবে অনুমোদিত ভাতা প্রাপকদের তালিকা এবং প্রয়োজনীয় উপকরণ (ভাতা পরিশোধ বই, ডি হাফ

- ও ছবি) ও অন্যান্য তথ্যাদি উপজেলা হিসাবরক্ষণ কর্মকর্তার নিকট প্রেরণ করবে। সিটি কর্পোরেশন এলাকার থানার ক্ষেত্রে উপ-পরিচালক, জেলা সমাজসেবা কার্যালয় ভাতা প্রদান সংক্রান্ত কমিটি কর্তৃক চূড়ান্তভাবে অনুমোদিত ভাতা প্রাপকদের তালিকা এবং প্রয়োজনীয় উপকরণ (ভাতা পরিশোধ বই, ডি হাফ ও ছবি) ও অন্যান্য তথ্যাদি জেলা হিসাবরক্ষণ কর্মকর্তার নিকট প্রেরণ করবে।
- খ) উপজেলার ক্ষেত্রে সংশ্লিষ্ট উপজেলা সমাজসেবা কর্মকর্তা এবং সিটি কর্পোরেশন এলাকার থানার ক্ষেত্রে উপ-পরিচালক, জেলা সমাজসেবা কার্যালয় কমিটি কর্তৃক চূড়ান্তভাবে প্রণীত ভাতা প্রাপকের তালিকা সংরক্ষণ করবে।
- গ) মুক্তিযোদ্ধা সম্মানী ভাতা বিতরণ বাবদ বাজেটে বরাদ্দকৃত অর্থ সমান দু'কিস্তিতে অর্থ মন্ত্রণালয় মুক্তিযুদ্ধ বিষয়ক মন্ত্রণালয় বরাবর অবমুক্ত করবে। মুক্তিযুদ্ধ বিষয়ক মন্ত্রণালয় উক্ত অর্থ মুক্তিযোদ্ধার সংখ্যা অনুযায়ী জেলা প্রশাসক বরাবর বরাদ্দ প্রদান করবে। জেলা প্রশাসকের কার্যালয় ঐ অর্থ সোঁনালী/জনতা/অগ্রণী/রাজশাহী কৃষি উন্নয়ন/বাংলাদেশ কৃষি ব্যাংকের প্রধান কার্যালয়ে ন্যস্ত করবে।
- ঘ) উপজেলা/সিটি কর্পোরেশন এলাকার থানার ক্ষেত্রে থানায় অবস্থিত সোঁনালী/জনতা/অগ্রণী/ রাজশাহী কৃষি উন্নয়ন/বাংলাদেশ কৃষি ব্যাংকের শাখার মাধ্যমে এ ভাতা পরিশোধ করা হবে।
- ঙ) পেনশনারদের পিপিও-এর ন্যায় মুক্তিযোদ্ধা সম্মানী ভাতা পরিশোধ বই (পাশবই-ফরম-২) নামে একটি বই থাকবে। এ বইয়ে সংশ্লিষ্ট ওয়ার্ড মেম্বার/গেজেটেড কর্মকর্তা/উপজেলা নির্বাহী কর্মকর্তা কর্তৃক ভাতা প্রাপকের সত্যায়িত ছবি (সত্যায়নকারীর সীলসহ) থাকবে। প্রতিটি বইয়ে পৃথক নম্বর থাকবে। প্রার্থী তালিকা চূড়ান্তভাবে অনুমোদিত হওয়ার পর উপজেলার ক্ষেত্রে উপজেলা হিসাবরক্ষণ কর্মকর্তা এবং সিটি কর্পোরেশন এলাকার থানার ক্ষেত্রে জেলা হিসাবরক্ষণ কর্মকর্তা ভাতা প্রাপকের নামে একটি বই ইস্যু করবে। এ বই ইস্যু করার পর জেলা হিসাবরক্ষণ কর্মকর্তা/ উপজেলা হিসাবরক্ষণ কর্মকর্তা সংশ্লিষ্ট ভাতা গ্রহীতার ছবিসহ ডি হাফ (ফরম-৩) প্রেরণ করবে। মুক্তিযোদ্ধা সম্মানী ভাতা গ্রহীতাদের মধ্যে কেহ পাস বই হারিয়ে বা নষ্ট করে ফেললে সংশ্লিষ্ট উপজেলা কমিটি/সিটি কর্পোরেশন কমিটি সংশ্লিষ্ট ব্যক্তির আবেদনপত্রের ভিত্তিতে বিষয়টি চূড়ান্ত নিষ্পত্তি করবে। বিষয়টি যাচাই বাছাই করে কমিটি পুনরায় একটি ডুপ্লিকেট পাস বই ইস্যু করার জন্য সংশ্লিষ্ট জেলা হিসাবরক্ষণ কর্মকর্তা/ উপজেলা হিসাবরক্ষণ কর্মকর্তাকে সুপারিশ করবে এবং জেলা কমিটিসহ সংশ্লিষ্ট সকলকে অবহিত করবে।
- চ) উপজেলার ক্ষেত্রে উপজেলা হিসাবরক্ষণ কর্মকর্তা এবং উপজেলা সমাজসেবা কার্যালয় মুক্তিযোদ্ধা সম্মানী ভাতা প্রাপকদের নাম, ছবি ও নমুনা স্বাক্ষরসমেত একটি রেজিস্টার সংরক্ষণ করবে। সিটি কর্পোরেশন থানার ক্ষেত্রে জেলা হিসাবরক্ষণ কর্মকর্তা এবং উপ-পরিচালক, জেলা সমাজসেবা কার্যালয় মুক্তিযোদ্ধা সম্মানী ভাতা প্রাপকদের নাম, ছবি ও নমুনা স্বাক্ষরসমেত একটি রেজিস্টার সংরক্ষণ করবে। যদি শারীরিক অক্ষমতাজনিত কারণে কিংবা পর্দানশিন হবার কারণে কোন ভাতাভোগী ভাতা গ্রহণের জন্য স্বশরীরে উপস্থিত হতে না পারেন, তাহলে তিনি অন্য কোন ব্যক্তিকে তার পক্ষে ভাতা গ্রহণের জন্য মনোনীত করতে পারবেন। মনোনীত ব্যক্তির পরিচয়পত্রে ওয়ার্ড মেম্বার/কাউন্সিলর/ গেজেটেড কর্মকর্তা/উপজেলা নির্বাহী কর্মকর্তা কর্তৃক সত্যায়িত ছবি (সত্যায়নকারীর সীলসহ) থাকবে। মনোনীত ব্যক্তি ভাতা গ্রহণ করার সময় প্রতিবার সংশ্লিষ্ট ভাতাভোগী জীবিত আছেন মর্মে স্থানীয় প্রতিনিধি ওয়ার্ড মেম্বার/কাউন্সিলর/চেয়ারম্যান-এর সনদ পত্র পেশ করবে।

- ছ) মুক্তিযোদ্ধা সম্মানী ভাতা প্রতি মাসে প্রদান করা হবে। তবে কেহ ইচ্ছা করলে একত্রে একাধিক মাসের বকেয়া উত্তোলন করতে পারবেন। এ ক্ষেত্রে সংশ্লিষ্ট অর্থ বছর ব্যতীত পূর্ববর্তী অর্থ বছর সমূহের কোন বকেয়া দাবী করা যাবে না।
- জ) মুক্তিযোদ্ধা সম্মানী ভাতা গ্রহীতা মৃত্যুবরণ করলে সংশ্লিষ্ট উপজেলা এলাকার ক্ষেত্রে কমিটির সভাপতি/ সদস্য-সচিব অবিলম্বে বিষয়টি সংশ্লিষ্ট জেলা প্রশাসককে জ্ঞাত করে উপজেলা হিসাবরক্ষণ কর্মকর্তাকে লিখিতভাবে জ্ঞাত করবে। মৃত ব্যক্তির মৃত্যুজনিত একটি সার্টিফিকেট সংশ্লিষ্ট উপজেলা কমিটির সভাপতি/সদস্য-সচিব ইস্যু করবে (ফরম-৪) সিটি কর্পোরেশনের এলাকাতুচ্ছ থানাসমূহের ক্ষেত্রে সংশ্লিষ্ট ভাতা বিতরণ সংক্রান্ত কমিটির সভাপতি/সদস্য-সচিব অবিলম্বে বিষয়টি সংশ্লিষ্ট জেলা প্রশাসককে জ্ঞাত করে জেলা হিসাবরক্ষণ কর্মকর্তাকে লিখিতভাবে অবহিত করবে। মৃত ব্যক্তির মৃত্যুজনিত একটি সার্টিফিকেট সংশ্লিষ্ট সিটি কর্পোরেশন কমিটির সভাপতি/সদস্য-সচিব ইস্যু করবে (ফরম-৪)।

১৭. নীতিমালা সংশোধন :

মুক্তিযুদ্ধ বিষয়ক মন্ত্রণালয় সংশ্লিষ্ট মন্ত্রণালয়/বিভাগের মতামতের ভিত্তিতে বাস্তবতার নিরিখে এবং প্রয়োজনে উপযুক্ত কর্তৃপক্ষের অনুমোদনক্রমে এই নীতিমালা সংশোধন/পরিবর্তন/পরিবর্ধন এবং পরিমার্জন করতে পারবে।

১৮. আর্থিক বিবরণ প্রেরণ :

প্রতি অর্থ বছর শেষে (পরবর্তী বৎসরের ৩১ শে জুলাই'র মধ্যে) প্রতি জেলা/পার্বত্য জেলা/সিটি কর্পোরেশন এবং উপজেলা কমিটি সংশ্লিষ্ট ব্যাংক-এর সাথে যোগাযোগক্রমে সংশ্লিষ্ট অর্থ বছরের ভাতা প্রদানের একটি আর্থিক বিবরণী মুক্তিযুদ্ধ বিষয়ক মন্ত্রণালয়ে প্রেরণ করবে।

১৯. অব্যয়িত অর্থের বিবরণ :

জেলার অনুকূলে প্রদত্ত বরাদ্দের অব্যয়িত অর্থ (যদি থাকে) দায়িত্বপ্রাপ্ত ভাতা বিতরণকারী কর্তৃপক্ষ (অথবা দায়িত্ব প্রাপ্ত কর্তৃপক্ষের আদেশক্রমে অনুচ্ছেদ ১৬ এর ক্রমিক 'গ' এবং 'ঘ'-এ বর্ণিত ভাতার অর্থ সংরক্ষণকারী আর্থিক প্রতিষ্ঠান) পরবর্তী আর্থিক বছরের ৩১ জুলাই তারিখের মধ্যে ১-৬৩০১-০০০১-২৬৭১ কোডে জমা করতঃ মন্ত্রণালয়কে অবহিত করবে।

২০. নীতিমালায় অন্তর্ভুক্ত নাই এমন বিষয় :

এ নীতিমালায় অন্তর্ভুক্ত হয়নি এমন কোন বিষয় মুক্তিযুদ্ধ বিষয়ক মন্ত্রণালয়ের সিদ্ধান্তের ভিত্তিতে নিষ্পত্তি করা হবে।

২১. নীতিমালার কার্যকারিতা :

এ নীতিমালা জারির তারিখ থেকে কার্যকর হবে।



কে এইচ মাসুদ সিদ্দিকী
সচিব
মুক্তিযুদ্ধ বিষয়ক মন্ত্রণালয়

